

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0052465 23
Zenica, 20.05.2025. godine

OPĆINSKI SUD U ZENICI
- Sudiji za prethodno saslušanje -
Z E N I C A

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

K. H., neosuđivan

što je:

dana 12.03.2023. godine oko 22,25 sati, u Zenici, na magistralnom putu M-17, u mjestu P. upravljajući pmv marke „...“, reg. oznaka ..., krećući se iz pravca grada Doboja u pravcu grada Zenica, vozio neoprezno i nedovoljno pažljivo, jer je preduzeo nedozvoljenu radnju skretanja u lijevu stranu prema motelu „...“, na duploj punoj bijeloj liniji, a da se pri tom nije bio uvjerio da se iza njega kreće ambulantno vozilo marke „...“ reg. oznaka ... kojim je upravljao M. S. sa upaljenim rotacionim svjetlima i da isto vrši radnju preticanja njegovog vozila, pa postupajući suprotno odredbama člana 36. stav 1. Zakona o osnovama bezbjednosti saobraćaja na putevima u BiH, vozeći tako, presjekao putanju kretanja ambulantnom vozilu koje je na lijevoj saobraćajnoj traci, uslijed čega je došlo do kontakta lijeve bočne strane pmv. marke „...“ sa prednjom desnom stranom ambulantnog vozila, na koji način je ugrozio sigurnost javnog prometa, a kojom prilikom je pacijent iz ambulantnog vozila, K. O., zadobio tešku tjelesnu povredu u vidu linearnog preloma poprečnog zglobnog nastavka sedmog vratnog pršljena, bez pomaka ulomka,

dakle, kao učesnik u prometu na putevima, ne pridržavajući se prometnih propisa ugrozio javni promet i time kod drugog prouzrokovao teške tjelesne ozljede,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.